

„Sve zone u kojima je zastupljena funkcija stanovanja, a naročito zone u kojima postoji ili se planira određeni nivo centraliteta zahtijevaju određeni nivo urbane opreme tj. objekata društvene infrastrukture. Na lokacijama planom predviđenim za potrebe objekata društvene infrastrukture koje su u privatnom vlasništvu može se odobriti gradnja mješovite namjene stambene i društvene.“

Član 3.

U ostalim odredbama Odluka o provođenju Urbanističkog plana Kakanja 2011-2026. („Službene novine Općine Kakanj broj: 8/11, 4/12 i 11/13) ostaje neizmjenjena.

Član 4.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

198.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 01/1-402/14

Kakanj, 06.11.2014. godine

Na osnovu člana 132. a u vezi sa članom 124. tačka f) Zakona o zaštiti od požara i vatrogastvu („Službene novine Zeničko-dobojskog kantona“, broj: 05/11), člana 8. stav. 3. tačka 28., člana 13. stav 2. tačka 4., člana 36. i 37. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06), te na osnovu člana 24. stav 1. tačka 6. i člana 108. Statuta Općine Kakanj („Službene novine Općine Kakanj“, broj: 4/08), Općinsko vijeće, na 25. sjednici, održanoj 06.11.2014. godine, donijelo je

O D L U K U

o izmjenama i dopunama Odluke o naknadama za vatrogastvo

Član 1.

U Odluci o naknadama za vatrogastvo („Službene novine Općine Kakanj“, broj: 6/13) u

članu 2. iza stava 2. dodaju se novi stavovi 3., 4. i 5. koji glase:

“Ugovor iz stava 2. ovog člana zaključuje se sa pravnim licem po osnovu jedinice površine požarnog opterećenja i požarnog rizika objekta ili broja angažovanog ljudstva – vatrogasaca.

Ako je osnov za zaključenje ugovora jedinica površine požarnog opterećenja i požarnog rizika objekta, vrijednost ugovora određuje se u skladu sa članom 3. Odluke o naknadama za vatrogastvo.

Ako je osnov za zaključenje ugovora broj angažovanog ljudstva – vatrogasaca, vrijednost ugovora se određuje na osnovu propisa koji definišu plaće i druge naknade vatrogasaca u organima uprave.“

Član 2.

U članu 11. iza stava 1. dodaje se novi stav 2. koji glasi:

„Neutrošena prikupljena sredstva od naknade za vatrogastvo iz tekuće budžetske godine za namjene iz ove odluke krajem budžetske godine se ne gase, nego se prenose u narednu budžetsku godinu i njima se raspoložuje u skladu sa Odlukom o naknadama za vatrogastvo.“

Član 3.

U ostalom dijelu Odluka o naknadama za vatrogastvo ostaje neizmjenjena.

Član 4.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

199.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 01/1-403/14

Kakanj, 06.11.2014. godine

Općinsko vijeće na 25. sjednici održanoj 06.11.2014. godine, u postupku donošenja plana parcelacije zemljišta, na osnovu člana 40. stav (3), (5) i (10) Zakona o prostornom uređenju i građenju („Službene novine Zeničko-dobojskog kantona“, broj: 01/14) i člana 24. Statuta Općine Kakanj